



Aqqalu C. Jerimiassen

UPA 2022/76-1

Atassut

04. Maj 2022

Inatsisartut aalajangiiffigisassaattut siunnersuut Naalakkersuisut peqquneqassasut nalunaarusiamik sanassasut, innuttaasut kræftimik suussusersineqarnikunut imaluunniit nappaat inuunermik ulorianartorsiortitsisinnaasumik peqaraanni aningaasatigut toqqissisimanissamik qanoq qulakkeerinniffigisinnaanerigut. Nalunaarusiaq nappaammik eqqugaasut aningaasatigut eqqugaanermi misigisimasaannik imaqassaaq aammattaaq nappaammik eqqugaasimasup ilaquataasullu aningaasatigut ikiorserneqarnissaanik periarfissaasa maleruagassaanni aporfiusut periarfissaasullu. Nalunaarusiaq UPA 2023 paalitsinnagu Inatsisartunut tunioraanneqareersimassaaq.

(Inatsisartunut ilaasortaq Nivi Olsen, Demokraatit)

Nappaassuaq kræft kinaassusersiorani qanigisatsinnik asannitsitsinnik misigissuseqarani eqquisaraaq. Tamattalu misigissutsitsinnik annertuumik eqquisarlunittaaq. Tassani qulequttami tamavitta qalipaasersorata ikioqatigiittuartaqartarnerput tapersersoqatigiilluta iluuseqarfigisariaqarparput, ilalumi oqaasiinnartigut piniarsarinata timitalertariaqarnera avaqqussinnaanngilarput.

Uani qulequtsiisup oqariartuutaa, aallartinnerani takuinnarsinnaavarput kikkorpassuit ukiumut annertuumik eqqungaasartut, isiginnaanginnarniarparvut? Taamaattussariinnarniarparput ukiumut inoqaterpassuatta oqimaaqisumik aqqusaagaqareersut, suli qaavatigut annerusumik nanertorneqartarnissaat?

Iliuseqarniarta! Suleqatigiinniarta qulequttani ima ittuni!

Ilaquataasummi qanigisaasut aningaasaqarnikkut namminneerlutik pilliuteqarujussuartaqalartarnerat tusartuareerparput, naak arlalissuartigut kattuffinnik allaniillu katersuiniarnikkut ikiorneqartaraluartut, suli iliuseqarnerusariaqarneq pisariaqarluinnartoq nalunngilarput. Qaningisamimmi nappaassuarmik eqqungaasoqartillugu suliffiit aningaasaqarnerlu ilerasuutissatut nanertugaareersunut sooq pillaatit inissinniartassuagut?

Oqartuareerpegut Atassummiit, peqqinnissaqarfippu tamaarsorpoq, sulisinnaasut tamarmik tamaarsorput. Naallu assorooreeraluaqisut, suli ajoraluartumik nappaassuarmik eqqungaasimasut ajoraluartumik katsorsarneqarnissaminnut kingusinaarunneqareersimasut ilaatigut tusartaarput, tamannaavorlu nalaanneqarsinnaasut tamani ajornersaat. Minnerpaamik sulisunut tamaareeqisunut

oqilisaataasinnaasunik ujartuinissaq pisariaqarpoq, sullitammi taamannak annertutigisumik eqqugaasimasut qanoq ilaatigut kiffartuutissallugit qamuuna imaannaanngissinnaatiginersoq takorloorneqarsinnaammattaaq.

Takinerusumik Atassummiit oqaaseqarata, siunnersuut toqqaannartumik taperserlugu ilusaatut isikkoqartillugu aappassaaniigassanngornissaanut innersuupparput.